

Njia Pekee ya Usalama

Na masikio yako yatasikia neno nyuma yako, likisema, Njia ni hii, ifuateni; mgeukapo kwenda mkono wa kulia, na mgeukapo kwenda mkono wa kushoto—**Isaya 30:21.**

Ninajua kuwa wanadamu wanateseka sana kwa sababu wanatembea nje ya njia ambayo Mungu amechagua kuwa waifuate. Wanatembea katika cheche za moto waliojiwashia wenyewe na matokeo halisi ni mateso, misukosuko na huzuni, ambavyo wangeweza kuviepuka kama wangezisalimisha dhamiri zao kwa Mungu na wangemruhusu atawale njia zao. Mungu anaona kwamba ni muhimu kupinga mapenzi yetu na njia zetu na kuyaleta mapenzi yetu ya kibinadamu katika kutii.

Njia iwayo yote Mungu aichaguayo kwa ajili yetu, njia yoyote anayoiamuru kwa ajili ya miguu yetu, hiyo ndiyo njia pekee iliyo salama. Kila siku tunapaswa kudumisha roho yenye kujisalimisha kama ya mtoto na kuomba kwamba macho yetu yaweze kuwekwa wakfu kwa dawa ya macho ya mbinguni ili kwamba tuweze kutambua vidokezo vya mapenzi ya Mungu, tusije tukachanganywa mawazo yetu, kwa sababu mapenzi yetu yanaonekana kututawala. Kwa jicho la imani, kwa kujisalimisha kama mtoto mtiifu, lazima tumtumainie Mungu, kufuata uongozi Wake na matatizo yatatoweka. Ahadi ni hii, “Nitakufundisha na kukuonesha njia utakayoiendea: Nitakushauri, Jicho Langu likikutazama” (Zaburi 32:8)....

Tukimjia Mungu kwa roho ya unyenyekevu na ya kufundishika, si tukiwa na mipango iliyopangiliwa kabla ya kumuomba Yeye na kuundwa kulingana na mapenzi yetu wenyewe, bali katika kutii, katika utayari wa kufundishwa, katika imani, inakuwa ni fursa yetu kudai ahadi kila saa. Huenda tukajiamini, na tunahitaji kujilinda dhidi ya mielekeo yetu wenyewe na mielekeo mikali tusije tukafuata akili na mipango yetu na kufikiria kuwa ni njia ya Bwana....

Baba yetu wa mbinguni ni Kiongozi wetu na tunalazimika kujisalimisha chini ya ufundishaji wa nidhamu Yake. Tu wanafamilia wa familia Yake. Ana haki ya huduma yetu na ikiwa mmoja wa wanafamilia wa familia Yake atang’ang’ana kufuata njia yake mwenyewe, aking’ang’ana katika kufanya kile kimpendezacho, hiyo roho italeta hali ya mambo yasiyo na mpangilio na ya kutatanisha. Hatupaswi kujibidiisha kufuata njia yetu, bali kutumainia njia na mapenzi ya Mungu.